



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Henricvs VI.

urn:nbn:de:hbz:466:1-11835

Ioannes extremis Friderici annis Cancellorum curam gessisse videtur: anno enim 1189 hoc nomine Imperialis aulae Cancellarius per Apostolicæ Sedis Legatum Gofredum Cardinalem (Soffredus vocatur *ab Onuphrio*) Treuirensibus Archi-Episcopus datus est; eaque ratione octennalibus contentionibus *Volmari* Archi-diaconi, siue, vt *Cratopolus* habet, Maioris Decani, & *Rudolphi* Maioris Præpositi, in schismate electorum, finis impositus fuit. Inuestituram ab Henrico VI Rege, viuentem etiam tunc patre, & Syriacæ expeditioni intento, consecutus est; vti testis est Godefridus Monach. S. Pantal. *sub dict. an. pag. 254, edit. Pistor.* Eâ sanè tempestate, ait Mersæus præcit. præstantiorem Pastorem Treuerici habere non potuerunt. ita præfuit & profuit. Structor est murorum & turrium, quibus hodieque Treuironum ciuitas munita est.

Sub eodem hoc Friderico fuit Imperialis aulae Protonotarius *Rudolphus*, Canonicus Wormatiensis: qui in subscriptione literarum eius de iure Ciuitatis Wormatiensis, de anno 1180, apud *Lehm. in Chron. Spir. pag. 356*, Friderico Sueuiæ Duci, Ludouico Thuringiæ Landgrauio, & Conrado Palatino Rheni præponitur. Vide etiam Diplomata S. Maximini, num. 34. Fuit præterea *Burchardus* Notarius eiusdem Imp. cuius extat Epistola ad Nicol. Abbatem Sigebergensem, de capto & exciso Mediolano; apud *Freherum tom. 1. Scriptorum rer. Germ.*

HENRICVS VI.

Treuerensis Archi-Episcopus *Ioannes*, quia Friderici anno extremo, quamuis gubernacula Imperij, dum militiæ sanctæ se præparat, iam filio credidisset, ex Cancellario altiora conscendit; parenti potius, quàm filio adiudicare placuit. Illi autem successit *Dieterus*, siue *Dieterius*, qui sequenti anno, (1190) post Ioannis Archi-Episcopi promotionem, vt scribit *Godefrid. S. Pantal.* vnâ cum Moguntino Archi-Episcopo (Conrado Zæringiæ Duce) ab Imp. Henrico in Italiam vltiorem (Apuliam) missus fuit, *ad explorandum*, ita addit, *euentum rerum*. Recognouit is anno proximo 1191, confirmationem Henrici de bonis Abbatia Giflenianæ in Hannoniâ, vt videre est apud *Miræum lib. 2. Donat. cap. 68; & Notit. Eccles. cap. 175.* Iisdem literis & sequentia subscripta leguntur: *Datum apud Neapolim, per manus Henrici Protonotarij.* Hunc Cancellarium fuisse ait *Kirchnerus, lib. 1. de Offic. Cancell. cap. 2.* sed ille Auctor, vt alibi indicaui, illic Notarios & Cancellarios inuicem confundit. Iste *Henricus* trigessimus octauus factus est Wangionum Antistes; nam præcitatus

citatus Godefrid. Monach. S. Pantal. de illo, ad an. 1192, ita scribit: *Episcopus VVormatiensis obiit; cui Henricus Protonotarius Imperatoris successit.* Præfuit illic, ut ait Bruschius, bene ac prudenter annis nouem. quo stante, necesse est reliqua erroris inexpertia non esse; quando anno 1196 obiisse addit. Eiusmodi autem erroribus isti Episcoporum Catalogi passim scatent; videnturque primi illorum sarcinatores, quibus de veritate plerisque in locis non admodum constituisse apparet, falsos potius numeros alicubi ponere, quam ignorantiam suam silentio agnoscere & fateri voluisse. Porro Henricus prædictus ex Vltraiectionâ diœcesi prodierat. Sequuntur sub hoc & sequentibus Imperatoribus tres ordine Conradi, Palatii Imperialis Cancellarij; qui fortè tenebras & confusionem passi fuissent, nisi cuique titulus Ecclesiasticæ dignitatis adscriptus (omnes enim diuersarum Ecclesiarum Episcopi fuerunt) internoscendi facultatem præstaret.

Tres Conradi, Imperiales Cancellarij.

Conradus Episcopus Hildesheimensis & Herbipolensis.

Illorum primus est Conradus, Episcopus Hildesheimensis ac Herbipolensis, è nobilium de Rabenspurg, aut Reinstein, familiâ, origine Francus Orientalis, ut ait *Chron. Hildesh. manuscript.* Recognouit hic an. 1196 Diploma Henrici, quo Comitatum Veluæ Balduino Vltraiectione Episcopo confirmat, vocatque se illic Hillensemensem Electum. Extat apud Mir. *lib. 2 Diplom. cap. 57; & Notit. Eccles. cap. 159.* Reliquæ recognitiones eius, quas quidem ego repperim, ad Successorem pertinent. An. 1198, ut Bruschius ait, fauore & auxilio Imp. ad Herbipolensem Ecclesiam translatus fuit, Capitularium electione. Fuit sub Henrico VI comes sacræ expeditionis, quæ morte illius Principis in irritum cecidit: nullis enim precibus procures Germani, qui magno numero in Palæstinam transfretauerant, ac agmina cruce signatorum auxerant, auditâ Cæsaris morte, retineri potuerunt; interque ceteros etiam Conradus redijt. Sub Henrico Sexto Protonotarium Imperialis aulae reperio Sigeloum nomine, recognitorem literarum illius Principis, ad an. 1193, ap. *Hund. in Metrop. tom. 1, pag. 379.* ac præter illum, Albertum; cuius supra, inter Diplomata vice Colonienfis Archi-Episcopi, utpote Italici Archi-Cancellarij, recognita, subscriptionem de an. 1196 retuli.

Sigelous.

Albertus.

PHILIPPVS Imp.

Conradus prædictus.

Sub Philippo, Henrici fratre & Successore, perseverauit in Cancellariatus officio Conradus prædictus: qui sub eodem quoque, non tantum seruitij, sed & vitæ finem fecit; ut dubius sim, quid sibi Münsterus, vel quisquis Catalogi Herbipolensium Episcoporum, qui Cosmographiæ eius insertus legitur,